

義烏縣志

卷卷

六五

義烏縣志卷五

田賦上

夏后氏則壤成賦歷代相因間有沿革明制供御用
曰歲進供國用曰歲辦歲辦之中分類徵派又有額
辦坐辦雜辦之差迄乎末造因兵增歛民不堪矣

大清御宇頒行賦役全書因明制而悉除其弊復疊荷
恩詔蠲恤百數十年來野無曠土戶無逋糧皆由

聖德高深損上益下之所致也舊志田土貢稅分志二卷
究之任土作貢有田斯有賦今遵全書及通志合議
之仍叙歷朝賦則於前以備考焉志田賦

唐

田土賦額無考

官鹽

鹽鐵使劉晏法令亭戶雜鹽縱商人取之此商鹽所由始部縣又有常平倉鹽每商人不至則減價以難官收厚利而民不知貴此官鹽所由始

宋

田土

開禧以前無考

土貢

含春羅

歲三十疋

花羅

歲一百疋

綿

歲一百兩

官鹽

始用常平倉鹽官自運賣其後令鋪戶衙前趨場取鹽運付縣倉交納腳價官與之計丁給鹽而納

錢以充國用

淳化中

土貢官
鹽同前

雜賦

和預買婺羅

四十疋

花羅

五十疋

絹

六百七十八疋

平羅

二十七十五疋

絲

三千五百兩

綿

七百兩

折帛

郡志錢一萬一千七百二十九貫五百六十三文

茶租錢

一百五十五貫二百一文

免役錢

一萬五貫一十四文

紹興中

土貢雜
賦同前

官鹽

比歲鹽一百五十萬三十觔
為錢八萬一百六十貫文

淳熙中

土貢鹽雜
賦同前

課利

酒務祖額

九千四百貫文歲收四千八百六十七貫五百六十四文

村坊

二十一處一界爲錢二萬五千一百四十六貫九百九十八文課利錢每月一百六十九貫一

十八文陳亮縣減酒額記義烏尉趙君師日以書來曰邑之課額惟酒爲重歲之二月至於八月煮酒以四百石爲率爲緡錢八千六百有奇餘爲清酒猶四千八百緡乾道初有幸驅八鄉牙欄列之市肆商賈爭來醺酤倍入旣貢其餘於郡又增歲額一百石及市易者交病而官聽其便獨酒額如故逋負歲積以至于不可計官不得脫而吏就黥者相望淳熙十有二載今資政殿大學士李公之鎮是邦也究心民隱諸邑之利病莫不畢達師日實具其始末以告公惻然曰民何以堪乎吾嘗備數政地日接玉音未嘗一日不在民也使一縣至此而若不聞吾爲負其上矣立命減煮酒額一百石每石爲減舊額一緡清酒月減二百緡又蠲其舊逋幾萬緡一邑自是獲蘇官逃其責而民安

焉酒額歲不虧一錢而郡縣交便之公之盛德在
民爲甚深邑民將立公生祠於星祠之東而朝暮
奉事師日在邑僚之底而獲千大惠不勒其事於
石烏保異時之額不增非所以相我公之惠於無
窮也願屬筆於吾子以詒來者亮竊歎醑酢之興
本以佐軍旅之用而其實則使民不得自便於酒
猶未戾於古者禁民飲之義也其後設計巧取而
始專於利矣今郡縣之利括之殆盡能者無所用
其力惟酒爲可措手而一縣之計實在焉又從而
括之則縣不可爲矣剝牀及膚其憂豈不在民乎
今天子之於民獨公爲深知之而吾州最爲受其
賜蠲諸邑之逋吝公帑之出而一以與民凡民苗
米之不及斗帛不及尺綿不及兩者悉代輸之仁
聲載路是固所以宣天子之德意而入民之骨髓
也寧酒而已乎上方圖任舊德與之共政卽日旋
歸吾州不得久私其惠矣雖使世之名能文者不
能執筆以盡公之美也願以屬諸陸沈無所比數
之人顛倒脫落無以滿邑民之願不將歸其咎於
君乎師日曰不然吾二人皆將牽
連託公以自見者也亮又奚辭

稅務租額

二千四百貫文收一千六百五十貫一十八文

牙契稅錢

紹興二十一年收八千一百三十三貫三百六十五文

茶

比歲發一千四百觔為錢三百八貫文比歲任賣一千四百觔為錢三百八貫文

礬

比歲九百一十觔為錢一百二十一貫三百三十三文

鹽

比歲一百五十萬三千觔為錢八萬一百六十貫文

香

無額

嘉定中

田土

十七年經界官民田土三千九百八十六頃二十畝

一角三十三步雜產一萬五百九十一頃九十八畝

三角一十四步

夏稅

絹

四千四百九十五疋
二丈五尺八寸八分

紬

二千七百六十五疋
三丈一尺一寸三分

綿

四萬五千四
百六兩五分

平羅

六百
疋

秋糧

苗米

一萬七千九百四十
二石八升三合四勺

元

田土賦額

至元以
前無攷

土貢

貉皮

歲一百六
十八張

雜賦

和買對時物支直

宋濂浦陽圖經云和買無定價但欲買時對物支直民便之

官鹽

世祖十九年設鹽運司賣引之法以四百觔爲一引歲買鹽引四千六百五十引二十八觔

課利

郡志作歲辦諸色課程

酒課

中統鈔五百三錠四十八兩八錢九分六釐

醋課

中統鈔一十五錠三十八兩四錢

茶課

中統鈔二十三兩五錢四分

額買鹽引

歲買食鹽四千六百五十引二十八觔

秋租地利錢

歲收中統鈔二百錠四十三兩九錢九分六釐

房地賃錢

歲收中統鈔一錠一十九兩三錢四分八釐

授時歷

歲降大小歷六千一百八十一本例解
定價中統鈔九十五錠一十七兩二錢

商稅務

歲辦稅課中統鈔三百九錠
三十一兩三錢九分三釐

至正中

田土

浙東廉訪使董守愨僉事余闕以田多失實議根
括田稅使民墮田受役乃命婺州路總管督諸縣

練習田事之人履畝而覈之其定著為籍
有流水有類姓有鼠尾見王禕均役記

十四年官民田土四千二百五十六頃五十七畝三

角五十三步四釐七毫

夏稅

歲收中統鈔七百一十錠
三十二兩四錢八分二釐

秋糧

歲收米一萬四千二百六十
二石二斗六升八合二勺

明

洪武中

田土

按自洪武至隆慶田土畝分
多與府志互異今仍其舊

十九年遣監生履畝經量編畫魚鱗圖冊

二十四年黃冊官民田土共八千七百三十九頃六

分八釐內

田

四千五百九十一頃
八十畝六分五釐

地

一千七百六十六頃
九十一畝五分七釐

山

一千七百四十五頃
四十一畝五分一釐

塘

六百三十四頃八
十六畝九分五釐

官房屋一千一百六十間四分一釐

夏稅 麥二千一百八石
三斗八升三合

秋糧 米二萬二千三百七十六
石六斗七升四合二勺

官房屋賃錢 五百四貫三兩二錢 上半年折麥一百
一十九石九斗一升六合一勺 下半年

折米八十九石九
斗三升七合一勺

土貢

歲貢芽茶二
觔

活玉面狸一
隻

活雉 六隻 以上野味七隻
共折鈔四錠後裁革

鹽鈔 官吏每口食鹽一十二觔 市民每口食鹽六觔 每
鹽一觔納鈔一貫 鄉民每口食鹽二觔二兩五錢

每口納米四升三合一勺二抄五撮 先是令有司開
其戶口各數赴運司開支到縣計口給散後有司以

搬運開支不便奏勿給面納米納鈔如舊其口數據
籍隨時增損 本縣鹽鈔與稅糧同徵起運者解布

政司收貯委官解京供軍國用存留者解本府收貯
支給官吏俸鈔起運本色鈔二百六十一錠一貫
五百文共銀一兩四錢九分三釐三毫二絲九忽五
微折色銅錢二千六百一十三文共銀三兩七錢
三分二釐八毫五絲七忽一微四塵二渺八漠存
留本色鈔錠銀數折色銅錢銀數並與起運同
項鈔銀有閏加一錢二分銅錢銀有閏加三錢
一分一釐每兩加路費銀一分二釐無閏同

永樂中

田土

元年造黃冊田地
山塘並全洪武間

官房屋一千五百九十二間四分六釐

夏稅

麥二千一百一十七石
一斗九升三合七勺

秋糧

米二萬二千五百七十
五石五斗七合四勺

官房屋賃錢

六百九十五貫四兩九錢
上半年折麥
一百六十五石三斗七升二合一勺下

半年折米一百二十四石二升九合一勺

農桑

八千七百六十六株科絲一十九觔四兩九錢六分

牛租

米五十石

宣德中

田土

七年黃冊全前

夏稅

全前

秋糧

官田項下十分之二十分之三共減科米一千三百七十七石實米二萬一千一百九十七石八斗

八升六合七勺

成化中

田土

八年黃冊官民田土共八千七百四十一頃三十畝

五分內

田

四千五百九十二頃
四十六畝三分五釐

地

一千七百六十八頃
四十四畝二分三釐

山

全洪武二
十四年

塘

六百三十四頃九
十八畝四分八釐

官房屋一千五百九十二間四分六釐

夏稅

麥二千二百八十二石
八斗八升九合七勺

秋糧

米二萬一千三百二十四
石六斗四升七合九勺

宏治中

田土賦
額全前

十年丈量

知縣鄭錫文會選監保字長及書筭弓手人役履畝丈量備造流水冊籍京師府縣

各存一本都圖糧里亦各收一本錢糧易於清理爭訟易於稽察

正德中

田土

七年黃冊官民田土共七千頃九十八畝五分內

官田地山塘

三百三頃九十一畝八分二釐

民田地山塘

六千六百九十七頃六畝六分九釐

官房屋一千四百二十六間

本郡志補入

十五年

額辦

卽雜徵後全

段疋荒絲折納光素紵絲二百六十一疋

生平羅六十八疋

共徵銀九百六十五兩五錢二分
四釐七毫 遇閏加銀七十一兩

一錢三

分零

桑穰一萬二千觔

後罷

弓張共額銀一百九十兩四錢二分

比舊額多銀九兩二錢六分八

釐 折色年分多徵銀三兩三錢二分
辦料年分多徵銀四十六兩八錢九分

弓三百張

見造二百六張
減除九十四張

箭三千枝

見造二千五十九枝
減除九百四十一枝

弦一千五百條

見造一千五十九條
減除四百四十一條

翎毛二萬七千根